

れりしが、太子みづからうせ給ひぬ、尊おどろきなげき給ふ事かぎりなし、されどのがれますべき道ならねば、癸酉の年即位。

〔日本書紀十五〕白髮天皇〇清三年四月、立億計王〇仁爲皇太子、立天皇〇顯爲皇子、五年正月、白髮

天皇崩、是月皇太子億計王與天皇讓位、久而不處、由是天皇姊飯豐青皇女、於忍海角刺宮臨朝秉政、

十一月、飯豐青尊崩、十二月、百官大會、皇太子億計取天皇之璽、置之天皇之座、再拜從諸臣之位、

曰、此天皇之位、有功者可以處之、著貴蒙迎、皆弟之謀也、以天下讓天皇、天皇願讓以弟、莫敢即位、又奉

白髮天皇、先欲傳兄立皇太子、前後固辭曰、日月出矣、而燭火不息、其於光也、不亦難矣、時雨降矣、而猶

浸灌、不亦勞乎、所貴爲人弟者、奉兄謀逃、脫難照德、解紛而無處也、卽有處者、非弟恭之義、弘計不忍處

也、兄友弟恭、不易之典、聞諸古老、安自獨輕、皇太子億計曰、白髮天皇以吾兄之故、舉天下之事、而先屬

我、我其羞之、惟大王道建、利通聞之者歎息、彰顯帝孫、見之者殞涕、憫憫措紳、忻荷戴天之慶、哀哀黔首、

悅逢履地之恩、是以克固四維、永隆萬業、功隣造物、清猷映世、超哉邈矣、粵無得而稱、雖是曰、兄、豈先處

乎、非功而據、咎悔必至、吾聞天皇不可以久曠、天命不可以謙拒、大王以社稷爲計、百姓爲心、發言慷慨、

至于流涕、天皇於是知終不處、不逆兄意、乃聽而不即、御座世嘉、其能以實讓曰、宜哉、兄弟怡怡、天下歸

德、篤於親族、則民興仁、元年正月己巳朔、大臣大連等奏言、皇太子億計、聖德明茂、奉讓天下、陛下正

統、當奉鴻緒、爲郊廟主、承續祖宗無窮之烈、上當天心、下厭民望、而不肯踐祚、遂令金銀蕃國、群僚遠近、

莫不失望、天命有屬、皇太子推讓、聖德彌盛、福祚孔章、孺而勤、謙恭慈順、宜奉兄命、承統大業、制曰、可、乃

召公卿百僚於近飛鳥八鈞宮、卽天皇位、百官陪位、皆忻忻焉、

〔日本書紀二十八〕天命開別天皇〇天智元年、立爲東宮、四年十月庚辰、天皇臥病以痛之甚矣、於是遣蘇

賀臣安麻呂、召東宮引入大殿、時安麻呂素東宮所好、密領東宮曰、有意而言矣、東宮於茲疑有隱謀、而

慎之、天皇勅東宮授鴻業、乃辭讓之曰、臣之不幸、元多病、何能保社稷、願陛下舉天下附皇后、仍立大友